



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Alia capitula synodi Vermeriensis.

urn:nbn:de:hbz:466:1-19366

*De eo qui cum uxoris sue consobrina
 machatur.*

XVIII. Qui cum consobrina uxoris
 suae manet, sua careat, & nullam aliam
 habeat. Illa mulier quam habuit faciat
 quod vult. Hoc Ecclesia non recipit.

*De servo & ancilla, si per venditionem
 separantur.*

XIX. Si servus & ancilla per venditio-
 nis causam separati fuerint, praedicandi
 sunt ut sic maneant, si eos rejungere non
 possumus.

*Vt Chartularius, qui cum ancilla fornica-
 tur, eam libertate donatam uxorem ha-
 bere cogatur.*

XX. Vt ille Cartellarius qui cum an-
 cilla manserit, cum eam juxta legem lib-
 bertate a domino suo accepta dimiserit
 aliam accipiens, posteriorem dimittat.

Qui uxorem velari permisit, aliam ne ducat.

XXI. Qui uxorem suam dimiserit ve-
 lare, aliam non accipiat.

Regino lib.
 2. c. 125.
 Burchard.
 lib. 9. c. 46.

ALIA CAPITVLA SYNODI VERMERIENSIS

Relata a Reginone Abbate Prumiensi in libro secundo de ecclesiasti-
 cis disciplinis & religione Christiana.

De illo qui cum uxore fratris sui fornicatus est.

I. **S**I quis cum uxore fratris sui dor-
 mierit, adulter & moecha diebus
 vitae suae absque conjugio maneant. Ille
 vero cujus uxor fuit, si vult, aliam conju-
 gem accipiat.

De illo qui sponsam filij sui oppresserit.

II. Si quis sponsam filij sui oppresserit,
 & postea filius ejus eam duxerit, pater
 postmodum non habeat uxorem, nec ipsa
 mulier virum. Filius, qui facinus patris
 ignoravit, aliam accipiat.

*De eo qui filiastram aut filiastram ante
 Episcopum tenuerit.*

III. Si quis filiastrum aut filiastram
 suam ante Episcopum ad confirmationem
 tenuerit, separetur ab uxore sua, & aliam
 nunquam accipiat. Similiter & mulier.

*De illo qui cum filiastra, ignorante matre,
 fornicatus est.*

IV. Si quis cum matre & filia fornica-
 tus est, ignorante matre de filia, & filia de
 matre, ille nunquam accipiat uxorem. Il-
 la vero, si volunt, accipiant maritos. Si
 autem hoc scierint ipsae feminae, absque
 maritis in perpetuum maneant.

De illo qui cum duabus sororibus fornicatus est.

V. Similiter & de duabus sororibus, qui
 cum una in adulterio mansit, & aliam pu-

blicè accepit, non habeat mulierem usque
 in diem mortis; & illa quae nescivit, acci-
 piat maritum.

Si quis propter saidam fugit.

VI. Si qui propter vindictam fugiunt
 in alias patrias, & dimittunt uxores suas,
 nec illi nec illae alteri copulentur.

De incestis.

VII. Si quis incestum cum proxima sua
 commiserit, peculium suum perdat, si ha-
 bet; & si se non emendare voluerit, nul-
 lus eum in domo recipiat, neque ei cibum
 donet. Quod si fecerit, sexaginta solidos
 Regi componat. Et si pecuniam non ha-
 bet, mittatur, si liber est, in carcerem.
 Si servus est, vapulet multis plagis.

De parricidis.

VIII. Si homo liber patrem aut ma-
 trem, fratrem vel avunculum occiderit,
 hereditatem propriam amittat. Et si quis
 moechatus fuerit cum matre & sorore &
 amita, hereditatem perdat.

Item de incestis.

IX. Episcopi incestuosos investigare
 studeant. Et si poenitere noluerint, de Ec-
 clesia expellantur, donec ad poenitentiam
 revertantur. Quod si obedire sacerdoti-
 bus noluerint, oportet eos per secularem
 disciplinam coerceri.

